

АССАЛАМ

assalam.ru

НА ЛАКСКОМ ЯЗЫКЕ

БУСУРМАННАЛ РУВХІАНИЙССА ККАЗИТ

№ 09 (93) сентябрь 2009-шин / Кказит буккайссар зуруй цал / Рамазан 1430-шин. Багъа 15 къ.

ЭЛМУ

Элмулул хирашиву

Элмугу, эбадатгу кивагу жавгярди. Миннухлунур гяр куллушайъ ляхъан дурсса. Миннулгу яла ххирамур элмури. Элму дакъа эбадат дан къашайссар. Элмугу эбадатгу дакъамур цимурца батлулссар (хайр бакъассар), лагъвийссар (бачивассар). Миннуву бакъа мюнпат бакъассар. Дунияллугу, Ахиратлулгу хъуншиву, ччисса инсаннал элму тІалав данссар. Элмулийнур дунияллугу, Ахиратлулгу даражалийн бияйсса. Элмулуцалли хъус, хъуншиву, хъиншиву дикІайсса. Сулайман идавсихъ (аь.с.) суал бувссар Аллагу Тааьланал ﷻ: «Хъус ччав, хъуншиву ччав, элму ччав?» - куну. Мунал увкуссар: «Элму чча» - куну.



хъиншиву элмулуцалли дусса. Элму дунияллул ххазинари. Мунил кІула цІухлай, тІалав дуллау, элму кІул дуллалаври. Дуниялгу, Ахиратгу Яла Аллагу Тааьланал ﷻ элмулуцалли хъуншиву дикІайсса куну, элмугу дуллуну, дунияллул паччаІгу увну, ххазиналул заллунугу увсса. ▶▶ 5

УММАТРАЛ ЧАНИ

Жул мурад – Аллагунал рязишиву!

«Шейхтурава щин-бунугу цІун буварча, мунил асар Идавсин цайнма биянтІиссар» - вана укун чичлай ур шейх Саэд-Афанди «Назмаби» луттираву. Ихтилат най бур МухІаммад Идавсия (с.аь.с.) хІакъинусса къининин цува камил цукун хъунсарив, ва дунияллия ахиратрал оьрмулингу хІадур хъуну цукун гъан аьркинссарив бартдигълагъисса бякъаличІайсса шайхтурал къюкълия. Ва сильсила лахъи дуккавил, насихлат буллан (муридтал тарбия буллан) гъарца хъиривсса устгазнахъун изну булаврил аьщарай барачат чІяву буллалиссар. ХІакъсса шайхнал махъ, ганал муридтуран оьрмулул насихлатнугу хъанахъиссар. ХІакъну талихІ бума мукунсса инсани, идавсил варис телевизорданувух акъа, цала яруннин ххалгу хъуну, радиолувух бакъа, цала вичІангу чІу бавсса.

Амма, щак бакъа барачат биянтІиссар Аллагу кІул аврин буцлацисса инсаннал хІикматшиву, цала ва мунал дянив манзил бунугу, аькълулул къамул буллалисса инсаннайну.

ХІурмат бусса шайх, Абдулжалил-Афанди, буси

вила устазтурая, вила оьрмулул ххуллия.

На медицинский институравугу дуклай, квартиралий я хъуну усса чІумал чІаххурай уссия я хъанай Ялуvmур Инхо шяраватусса шайхгу цачІан учІайсса гъанчу. Муния кІулу, на къаст дав ганачІан уххан. «Ина ттучІан циван увкІра?»-куну цІувххуна ганал ттухъ хъунаавкъуний. Га чІумал дуллусса жаваб ттун хІакъину кунна дакІний дур: «Аллагунал къуллугъ буллан ччай ура ина бувцун нанисса ххуллийхчІин».

Ттуятугу цІувххуну, духтур хъунтишиву кІул хъувкун ганал увкуна: «Духтуртураща я къашавайманал оьрму лахъи бан, я кумаг бан къашайссар, Аллагунал мукун бан чивчуну бакъахъурча. Гъарца зад Аллагунал чичрулийнури дусса, агана щин-бунугу цІуллу-сагъшиву чирчуну духъурча, зу, духтуртал, инсантал сагъ шаврин сававнуру бусса. Га чІумал ганал ттун дуллауна вирд: ттуршийлва «Астагъфируллагу», салават ва «Ля илягуа иллагъа». Му дия ттул Шазалий тІарикъатравун уххаврил хІадуршинна.

Цаппаразурдардива АбдулхІамид-афандинал ттун дуллауна ▶▶ 4,5

Джигъад мукъурттийну ва тІуллайну

Карабудахкентуллал райондалийсса Губден шяраваллил хъаннил оьвчавривасса парча: «... оьрчІацІа хъусса ниттил дардирал, му милицанал зузала икІу, хІукуматрал къуллугъчи икІу, цукунчІавсса личІийшиву дакъассар, пикри бакъашиврул ягу за къакІулушиву дуллалисса, дакІ дакъасса вербовщиктурал цІаний «лесной братъурал»

чІарав лявкъусса арснал ниттил дардирацІа. Ва дард цара ца куццуй гужссар ва захІматссар.

Ххирасса бусурмантал! Ччянира дуркІунни хІакъмур ва щялмахъмур личІи бан лахъхъинсса чІун. Бусурманнаву бакъар Исламрая хъинну архну буну тІий, бйакъин бан бюхъансса инсантал. Гъарцаннаща шай пикри бан, чІявусса луттирду,

литература бур, чІявуминнан Аллагу Тааьланал яруннин чани буллунну бур. Мунияту, лагма-ялтту хъанахъимуних бурувгун ци хъанай бурил ххал бан аьркинни. Гъарца къини баллалисса жулва Дагъусттаннайсса инсантал литІлатІаву, жула инсантуравун нигъ дутлатаву, ярагъунних шариаьт дацІан данса къастру дуллалаву – мий гъарца зад Ислам дакъар.

ХІакъинусса къини Ислам нигъ дутавайну ва гуж буллалаврийну машгъур дан къабюхъайссар. Къуръан ликкан бувссар щалвагу оьрмулул инструкцияну, му зеххин щицакІуй къашайссар. ЦІанасса чІумал, цинявнначІа дур ихтияр тІайламур кІул бан, тІайла бакъамунищал ц и в и л и з о в а н н ы й с с а къяйдардайну ччалли буклан. Цу ур жучІана укІлай

чак бан, зума дугъан ягу хІажлив гъан къабитлай? ЩилчІав дакІнихтуну шагъадат къадутайссар бивкІулул нигъалу. Инсан зулмулия, оьмуния марцІсса дакІнищал ва марцІсса пикридащал учІан аьркинни Исламравун. Милицанал зузалт литІлатІаврийну, пьакъ учин буллалаврийну Дагъусттаннай шариаьт дацІан дуванну тІимий хъинну бйакъусса инсанталли, хъхъичІра-хъхъичІ шариаьт дикІан аьркинни ▶▶ 3

Ва номерданий:

2	ЛАККУЙ ХАВАРДУ Аьлимтурал мажлис	3	ЛАВГМУР ХІусман-къади	4	УММАТРАЛ ЧАНИ Жул мурад - Аллагунал рязишиву!	5	ЭЛМУ Аьлимчувнал ххирашиву	7	ИХІСАН Дивану-с-салихІин
---	-------------------------------------	---	--------------------------	---	--	---	-------------------------------	---	-----------------------------

БАЛАРДАЯ БУРУЧЧАЙМУР

Циняв мизитирттал имамтурайнсса овъчаву

Дагъусттаннал бусурманнал рувханийсса идаралул канонический отдел циняв мизитирттал имамтурайн овъчаву дуллаи бур нюжмар чакливу ва мукумна гьарца фаризасса чакливу «Магъдина» («Кьунут») дукланшиврул, Аллагу Тааьланал ﷺ цинявпагу бусурман, хаснува жулва Дагъусттан гьарца фитна-балардая ххассал баншиврул.

Гьарца фаризасса чакливу «Кьунут» дуккин бучишиврул далилну (хлуччану) хьанахьиссар машгурсса аьлимтурал махьру. Муния чявусса фикьгилул элмулут луттирдаву чивчуну бур, масала имам ан-Нававил «аль-Мингъаж», Ибну Хажардул «Тухфатуль-Мухтаж», ар-Рамалил «Нигъаятуль-Мухтаж» ва мукумна ацъвахьул цайми луттирдаву. Чиманаца бюхъантиссар мий луттирдаву «Кьунутра» буслалисса бутлуду ххал бан щак бакъа му дуккин бучишиву ва дурккуну хьиншиву укунсса чумал. Цанасса чумал «Магъдина» яларай чирчусса куцуй дурккуну хьинссар, бала-апатирттая ххассал шаврин даркъусса.

اللَّهُمَّ اهْدِنِي (اهدنا) فِيمَنْ هَادَيْتَ، وَعَافِنِي (عافنا) فِيمَنْ عَافَيْتَ، وَتَوَلَّنِي (تولنا) فِيمَنْ تَوَلَّيْتَ، وَبَارِكْ لِي (لنا) فِيمَا أَعْطَيْتَ، وَقِنِي (قنا) بِرَحْمَتِكَ شَرِّ مَا قَضَيْتَ، فَإِنَّكَ تَقْضِي وَلَا يُقْضَى عَلَيْكَ، وَإِنَّهُ لَا يَذُلُّ مَنْ وَالَيْتَ، وَلَا يَعْزُّ مَنْ عَادَيْتَ، تَبَارَكَ رَبَّنَا وَتَعَالَيْتَ، فَلَكَ الْحَمْدُ عَلَى مَا قَضَيْتَ، أَسْتَغْفِرُكَ وَأَتُوبُ (نَسْتَغْفِرُكَ وَنَتُوبُ) إِلَيْكَ اللَّهُمَّ كَفِّ عَنَّا شَرَّ مَنْ يُرِيدُ بِنَا سُوءًا فَإِنَّكَ أَشَدُّ بَأْسًا وَأَشَدُّ تَنْكِيلًا، اللَّهُمَّ إِنَّا نَسْأَلُكَ الْإِسْتِقَامَةَ مَعَ التَّوْفِيقِ وَحَسَنَ الْخَاتِمَةِ، اللَّهُمَّ اكْشِفْ عَنَّا مِنَ الْبَلَاءِ مَا لَا يَكْشِفُهُ غَيْرُكَ، اللَّهُمَّ إِنَّا نَعُوذُ بِكَ مِنَ الْمَكْرِ وَالْإِسْتِنْدَاجِ مِنْ حَيْثُ لَا نَشْعُرُ فِي سَاعَةٍ مِنْ لَيْلٍ أَوْ نَهَارٍ بِرَحْمَتِكَ يَا أَرْحَمَ الرَّاحِمِينَ، اللَّهُمَّ احْفَظْ بِلَادَ الْمُسْلِمِينَ وَدَاغِيسْتَانَ خَاصَّةً، مِنْ جَمِيعِ الْمَصَائِبِ وَالْآفَاتِ وَالْبَلِيَّاتِ بِرَحْمَتِكَ يَا أَرْحَمَ الرَّاحِمِينَ، اللَّهُمَّ اضْرِبْ بَعْضَ الظَّالِمِينَ بِالظَّالِمِينَ وَآخِرِجْنَا مِنْ بَيْنِهِمْ سَالِمِينَ، وَصَلَّى اللهُ تَعَالَى وَسَلَّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ، رَبِّ (رَبَّنَا) اغْفِرْ وَارْحَمْ وَأَنْتَ خَيْرُ الرَّاحِمِينَ، آمِينَ

Аллагънал ﷺ къамул даннав жула дуаьртту! Цинявпагу бусурман, хаснува жулва Дагъусттан бала-мусибатирттая буруччиннав. Амин!

ДУМД-рал Канонический отдел.

Аьлимтурал мажлис

Август зурул 15-ний Лакрал райондалийсса Шавкьуллал шяраву шагьид Аьбдулла Алишаевлул ватандалий хьунни Дагъусттаннал аьлимтурал мажлис.

Мажлис тивтунни ДУМД-рал зузала, Шавкратусса Тумалаев Давудлул. Ванал бувсунни жула тарихраву цукун цаькъсса иман дусса буттахьул бивкьсарив, миннал цала дин цукун дуручлай бивкьсарив, ва миннал Исламрал ххуллий цукун захиматну бивкьсарив. Мукумна Давуд-хажинал адаб дакъашиврин хас бувсса вьязгу бувунни.

Хьирив махь лавхьунни Шавкьуллал шяраваллил имам Хасаналиев

Оьмар-хажинал.

Махлчкъалаливсса Хьун-мизитрал имамнал хьиривчу Мухаммадов Аьбдулла-хажинал увкунни: «Инсанан цува Аллагу Тааьланал ﷺ дунияллий циван ляхъан увсарив, ва цукун ялапар хьанан аьркинссарив клулну биклан аьркинни. Аллагу Тааьла ﷺ Кьурьандалуви тий ур: «На инсантал ва жиндри лахъан бував, так ца Ттуйнна эбадат дулланшиврул».

Инсан хлайвандалия личи айссар цалва оьрмулут мурад клулну биклавлул. «Дунияллуцлансса ччаву гьарца балардал гьанури» - тий бур Идавсил ﷺ хладисраву. Мунин бувну, жунма аьркинни щяйтланнух вичи къадирхьуну, тайласса ххуллийх бачин гьунттийнин къакъабитлай. Жунма бивкь хьама битан къабучиссар, та бунугу гьарцанначан бучантиссар му». Мукумна Аьдулла-хажинал бувсунни магьар бишаврил агьамшиврия ва ца ЗАГС бивхьуну щаллу хьун къабучишиву, ва мукумна кулпатирттаву цукунчавсса барачатшиву къадиклайшиву.

Дагъусттаннал муфтийнал кумагчи Кьурамухаммад Мухаммадовлул бувсунни инсаннал Аллагу Тааьланал ﷺ эбадат, лагъшиву цукун дуллан аьркинссарив. «Аллагу Тааьланал ﷺ инсан ляхъан увну ур лагъну, мунияту му оьрмулухун лагъну иклантиссар. Аллагънал ﷺ лагъну иклан къаччарча, му иклантиссар дунияллул, арцул, цала дак!

хьуншиврул, цала нафсрал лагъну. Ва дунияллий циксса хьус лякьирчагу, мий хьус шиккура личантиссар, ахиратравун жуцалла мий хьуслия цичлар ласун къабюхъантиссар».

Гихунмай махь буллуни Котровалийсса мизитрал имам Хасан-хажи Хасаналиевлухьун. Мунал вьязу бия жува бусурман бушиврин щукру бан аьркиншиврун ва жула тлул-табаиьт ххуй дан аьркиншиврун хас бувсса.

Дагъусттаннал муфтийнал кумагчи Давудов Мухаммад-хажинал бувсунни Аллагу Тааьланал ﷺ Кьурьандалуви инсан малаиктураяргума лахъсса даражали ивхьуну ушиву. Му инсангу Аллагънал ﷺ амруду биттур буллалисса инсан хьанахьиссар. Кьурьан



ва хладисру баччан буллаи, бусурманнайн мушриктал, къафиртал тиймийрив хлайвантрал даражанияр ялавай багъсса инсантал хьанай бур. «Жунма чалай бур, хлакьинусса къини Исламрал цания цукунсса тлуллу дуллаи бурил. Циванни мий дуллалимий бусурман ялапар хьанахьисса канттай дакъа къадуллалисса? Мий Исламрал цаний зий бакьарча, доллардах зий бур».

Лакрал ва Кулал райондайсса Ассалам кказитрал вакил Массуев Аьлиасхлابلул бувсунни ва кказитрая цуксса хьунмасса мюнпат буссарив. «Ассалам кказит – цалчинва-цалчин му элмулут кказит хьанай бур, килчингу му кказит чивчумий Ислам машгьур давриву хлала буххаву хьанай бур». Мукумна ванал бувсунни кказитран хлурмат бан аьркиншиву, чапалсса кланайн багъан къабучишиву, ганиву Кьурьандалул аятру ва Идавсил ﷺ хладисру бунуттий.

ХИЯМИС

Аьлимчувнал чларав клира ссятрай щя ивкьсса ва клива махь муная бавсса инсаннан Аллагънал Клива Алжан булунтиссар

Махлчкъалаливсса Имам Шамиллул (къ.с.) цанийсса мизитрал имам Сиражуддин-хажи Ахмадовлул бувсунни укунсса мажлисирттаву гьуртту шаврил агьамшиврия. Идавсил ﷺ хладисрайн бувну, ца ххуйсса мажлисрал 2 азарва ххуйбакъасса мажлисирттал бунагьру шюшайссар.

Дагъусттаннал Исламрал Университетраву дарс дихляхьисса Ахмад-Хажи Аьбдулхамидовлул бувсунни Рамазан зуруя, зума дугъаврия, мунил мюнпатрая. «Зума дугъаврихьсса чири

хьинну хьунмассар, инсаннал зума дургъусса чумал лагма-ялттуминнан клул хьанай бакъатий, ва муниву рияь (показуха) къадиклайнуттий» - увкунни ванал.

Гьумучиял имам Саламов Мухаммадлул вьязу бия нитти-буттал цала оьрчан чивинияца Иман-Ислам лахъхьин дан аьркиншивруясса. «Жува оьрчан Ислам лахъхьин къадулларча, мий бьяйкъусса ххуллийх лагаврил нигь дуссар, му хьанахьиссар Исламрал душмантуран кумаг буллалаву» - увкунни ванал.

Вьязардал дяниву дуклай бия аьраб мазрайсса ва лакку мазрайсса мавлудру. Мажлисрал ахирданий Шавкьуллал шяраваллил жяматрал цания циняв мажлис бан бивкьминнахь барчаллагь увкунни Тайпур-хажи Кокваевлул.

Мажлис кьуртал хьунни Гьумучиял Ханнал мизитрал имам Кьурбанов Шяьбаннул дуаь дурну.

Эса Оьмаров.

ЛАВГМУР

Хусман-Къади



Цаятува ца къулай бакъас-са зат увкусса инсан Агъларханнан душман шайсса ивкӀун ур, та-бунугу чара бакъа ганацӀухссагу байсса бивкӀун бур.

Ца ппурттыву Агълархан ивкӀун ур цала Пятали тӀисса ссурахъищӀал рагъну. Пяталигу Агълардуюту ливхъун, Кураллавун лавгун ур. Цал арамтал Пяталийн бивкӀун гьалгъа тӀисса кӀанттай, Хусман-Къади арнал, Мяммил (ганан тӀайласса ца МухӀаммад диркӀун дур) увкуну бур, ай, Агълардун цичӀав бакъанма Пятали бат ан ччай буссия, муниятур та Кураллавун ливхъсса, куну. Мяммил увкумур бавсса, укунагу Хусман-Къадинан сситтулсса Агълар, Мяммин дуккансса луркӀандалух луглан ивкӀун ур. Цал нукартурал бивсун бур Агълардур, Ахъушату лавсӀсса айгъур, кӀили дишин, инсан цяикӀан бацӀайсса бакъар, цяикӀарчангу, ххивуну, байгъин къашай, бурттигъугу увтун, ккуччу ай, куну. Гъан бивну бур Агълардул нукартал Мяммийн овъчин, айгъурдуйгу кӀили дишин дурну дур, цурдагу энтту чӀуен къадурна. Мяммийн овъчин ханнал нукартал бивкӀуну, Хусман-къади арнал дакӀнил хӀучӀ увкуну, Мямми шава акъар, увкӀуну гъан анна тӀий уна, къатлывату увкуну Мяммил вана ва цӀанакӀул най ура на зушӀал, куну, лавгун ур. Хусман-къади арнал лавсун цала бакӀрайсса къапа цях бивщуну бур: «Тти ттул къатта ччувччуссар!» - куну.

Мямми увкӀуну, Агълардул: «Ачу, буртти икӀуча, ххяххан бува

ва цӀуну лавсӀсса чу, ккаккан бува инава цукунсса бурттигъу уссарав» - куну бур. КӀиллул энтту хӀурану чӀалай, Мямми ивкӀун ур ка лӀкӀлай, ххал дуллайча, Агълардул: «Варч, ина жагъил акъарав, кӀилирагу къадирхъуна ххяххан байссархха хъинсса виричунал, ни гъа усаву цира?!» - куну, ганайн къутӀин бивну бур. Му цӀана тӀанкӀ увкуну кӀиллулун Мяммил, ххяххан бивну бур айгъур. Айгъур, жиндрал хъуну, тӀанкӀа тӀий, ахъа бацӀлан бивкӀун бур, кӀили бурттигъушӀал архӀал чал лякълулун дагъну, ганал ччанну ччармузавува ливчӀун, айгъурдул га ххюрхху лавсун,

ливхъун бавчуну бур. Му куццуй, щӀищӀакӀуй байгъин къахъанахъисса айгъурдул Мямми парча-тика увну ур.

Цала арснайту Агълардун ци аьркинну дурив ххал даннача тӀий, хъирир нанисса Хусман-Къади арнал хъхъичӀун бивкӀун бур арамтал, оьттул нанисса арнал жаназагу каруннайх дирхъуну. Гания мукъах Хусман-Къади АгълардушӀал ххавххун, ганал ужагърайн пар къаучайса ивкӀун ур.

ГавачӀумал ГъумукивкӀуну Макъил Мямма тӀисса мутааьллим, цувагу хъинну за кӀулсса, халкъуннашӀал хӀала авкъусса ва инсантуран бусравсса. ГаначӀа мутааьллимшиву лахълай

ХАМАС

Дукъарккуниннал дяниву, элму лахъхъин хӀарачат буллалима ливтӀуминнавусса уттаваманаха лавхъхъуссар

мизитраву бивкӀун бур жагъилталгу, гайннавату Аьвдуллагъ тӀисса итхъавхсса жагъилнашӀал Мяммал личӀисса дусшиву диркӀун дур.

Амма, Гъумук маэшатрал чулуха цанна цукунчӀавсса къулайшиву хъанай дакъахъукун, Агълардулгу цачӀара цукунчӀавсса ихтиярду ритлай акъахъукун, гайннал пикри бивну бур яруссаннайн Шамиллулчан гъан, танал шанна дугъайсса хъугу, оьлгу булайса бур цачӀана увкӀан, тикку цанна маэшатшиву дикӀанссар, тӀий.

Агълардуннир, цукунчӀав цачӀавату Шамиллулчан инсан лавгун къаччӀисса бивкӀун бур, гъангу къаитайсса ивкӀун ур, лавгмагу, нажагъ ириярчан, оьккисса танмихӀ байсса бивкӀун бур. Хъхъувайгу, дяхттагу ххулурдайх бавцӀусса къаралчитурал Агълардуя ихтияр дакъа ца инсан шагърулува уккан къаитлай бухъувкун, вайннал пикри бивну бур къюлтӀну, хъхъувай буккан шагърулува. ХӀадур дурну цанна ххуллиннай аьркинмургу, цанма кумаг бан вихшала дусса гьалмахчугу увцуну, цала къай-къуй мукъах рищунсса шарссагу дургъуну, дяркъусса ва марххала буллалисса кӀинтнил хъхъуну, къаралчитал шанашисса чӀун ххал дурну, гай бивкӀун бур Гъумучату.

Ислам оьруснал литературалуву

Хъунисса оьруснал чичултрал – Пушкиннул, Достоевскийл, Лермонтовлул ва цайминнал чичурду дур Исламан хас дурсса. Масала, Лермонтовлул дакӀниву Кавказ бивкӀун бур, буслай ивкӀун ур магърибуллал къюлтӀшиврия. 1832-ку шинал чивчуну бивкӀун бур «Измаил Бей». Му чӀумал Шамил хъуну ивкӀун ур Дагъусттаннал ва Чачаннал Имамну. ОьруснашӀал талай ивкӀсса Измаиллул къамул дурну дур гайннал дин, амма, цичӀав къабувчӀуну, махъунай зана ивкӀун ур. Хъуннасса ххаришиву дурну, га хъуна авкъуну ур ганал уссил

Осламбеклул.

Му бакъасагу, Лермонтовлул чивчуссар оьрус мазрай туркнал магъа «Ашик-Кариб». Ва магълуву буссар чивчуну Имандалул цинярдагу ттарцӀурдия – Аллагънайн вихшаву, малаиктурайн вихшаву, луттирдайн вихшаву, идавстурайн вихшаву, ахират душиврийн вихшаву ва къадарданин вихшаву.

1840-ку шинал Лермонтовлул чивчуну бур стихотворение «На вичӀан хатӀалий чичлай ура». Шикку Лермонтовлул ккаккан дуллай ур бусурмантурал хъиншиву, цамур диндалул

чулухуннаисса хӀусудшиву дакъашиву. «Фаталист» хавардануву бур, ЛавхӀуль-МахӀфузрай къадар чивчуну бусса. «Демона Восточная повесть»-раву бур гъарзад кӀул хъунтӀиссар Къиямасса Къини, тӀий.

Пушкиннул чивчусса стихотворение «Олегов щит»-раву чӀалай бур, хъунисса шаэртурал Аллагънайн леххаву учайсса бивкӀсса, цивппа къумашивривун багъсса чӀумал. Ф. М. Достоевский буслай ивкӀуну, Пушкин увххунушиву Къурьандалул рувхӀанийшивривун. Пушкиннул увкуну бур, Ислам душиву – щаллагу Дунилул дин. «ЧӀявуссанан къабаяйссар Къурьан Пушкиннул, Лермонтовлул, Тютчевлул кунма», – тӀий ивкӀун ур Достоевский.

Джигъад мукъурттийну ва тӀуллайну

1 ◀◀ бусурманчувнал дакӀниву. Мукун бусса чӀумалли мунал цала бакӀ хӀараммуния буруччинтӀисса. Цири аьркинсса мукунсса шариат дацӀан даншиврул? Ссавур ва Аллагънайн таваккул бутаву. ЩӀищӀав цама инсан гужрай хӀан хӀачӀлачи ан, саунардавун ягу казинодавун санази ан къашайссар.

Махъсса шиннардий, жулла хӀукуматрай цӀана кунна дин дачин дан бигъасса, гъарца кӀанттай мизитру, мадрасарду буллалисса чӀун дакъар. «ВацӀулминнан» цири ччисса? Гужрай ниттил ва ссил бакӀрай карци рутаннив? Уссу концертрайн

гъан къаитаннив? ХӀан къахӀачӀланшиврул хӀанттил шушри къагъагълай, инсаннан миннуясса зарал цуксса буссарив бивчӀин бан аьркинни му цува хӀан даххайсса тучандалуцӀан гъан къахъуншиврул. Хъазам ккутӀари бан бигъар Исламравун кӀункӀу аннир. Аммарив, бусурманнан бигъасса ххуллух луглагову, щӀил-бунугу тӀимунил хъирир бачаву лайкъ бакъассар. Цалва чӀахху-чӀарахнайн битлай, чӀярусса хъами цащарну личӀан буллай, оьрчӀру ятинну личӀан буллалиминнал динналуя ялттурассарагу кӀулшиву

дуссар учин захӀматри. Мукун къабивкӀссания, мужагиднал хъуннаса цӀа тӀалав дуллалиминнал укунсса оьвчаву данссияв: «Ххирасса Рамазан зуруй Дагъусттаннал мужагидтурал цала эбадат джигъадрайну чӀяру дурну, муртадтувран ва чапуртувран цӀусса «ссайгъатру» булун махъ буллай бур» («джаммаьтшариат»).

Рамазанбарзхъанахъиссар мубараксса барз, ва зурул ххирашиврухлуну бусурманнахъ щин-бунугу къаччан бикӀан бан, чапалсса гьалгъарду буллан ихтияр дакъассар. Рамазан зуруй дъяви баву хӀарамсса

бушиврулгу чӀалачӀи буллай бур, цалва цивппа литӀун буллай ва жагъилсса оьрчӀру литӀун баврин оьвтӀимий хъинну куртӀну бӀяйкълай бушиву.

Ассалам кказитрал бур ацӀазарахъул буккулт. МукъцӀала инсаннаву ца Аллагънал валий икӀайссар. Буссар валийтал цанма цивппа Аллагъанал хӀакъсса лагътал бушиву къакӀулсса. Валийнал дваь Аллагънал чара бакъа къамул дайссар.

Жу оьвтӀий буру цинявнайну: дваь дуллалияра дъявилир оьвтӀиминнал бӀяйкъусса ххуллийх ттигу къалавгий

тӀайла бацӀан буваннав тӀий, Дагъусттаннал аьрщарай дакъаву чӀа тӀий. ЧӀа учияра Дагъусттаннай Идавсил ✽ тӀий ивкӀсса куццуйсса джигъад бачаву – мукъуйнусса джигъад, инсаннал цала нафсрашӀалсса ва гъавасрашӀалсса джигъад. ЧӀа учияра Аллагънал цӀимилийну, мукъуйнусса джигъад бусурманнал дуллалисса тӀуллая личӀи къахъанан, цанчирча, хӀакъсса муьминтал гъарца бивкӀусса хӀадисрал, вьязалуву бавсса мукъул хъирир бачин аьркинссар. Аллагънал жуйва цими бишиннав!

Ассалам кказитрал редакция

УММАТРАЛ ЧАНИ

Жул мурад – Аллагнал рязишиву!

1 ◀◀ Шазалий тариқатрал вирдирал цаллусса жура. Му дия 1967-кусса шин, га чумал ттунгу оьрмул 25 шин дия. Ганал каялувшиврулу на уссияв 7-8 шинай. Студентну, хъирир ВУЗ-гу кьуртал бувну, Буйнаксалив ва Гьнанишлив зий усса чумал, устазнал каялувшиврийну на лахьлай уссияв исламрал элмурду ва аьраб маз. Муния махь на Кудалиятусса Рамазанов Мухаммадлуча (Аллагнал цал даража гьаз баннав!) дуклай уссияв. Гьарца кьини даврияр махь дарсирдайн лагайссияв. Аьраб маз, тафсирду (Кьурьанналул аятирттал мяьна дурчин


бувчин кьабуллай ганал жу, арс усса кабинетравун бувцуру. Ганал амурулийну жу чакливу аттахийяту дуклаккийн кунма щябивкйру, увкунни ттухьхун ижаза дуллаи ушиву. Махлатталшиврулу на вев учавай ливчйра. Му иш мяйжаннугу хар-хавар бакьа хьуна. На нава му даврин лайкь акьашиву бусан хйарачат буллаи уссияв, аммарив ганал махьгу кьувкьуну увкуна цувагу лайкь акьашиву. Му чумал на цувххуссия гания тиннай ци дуллан аьркинссарив. Ганал увкуна: «Инара дуллалимунил кьатлув циклуй дуллан

агьаммур цири?

Муриднан хьинну агьамссар устазначлансса ччаву. Тариқят динналул уссурваврал кунначан куннал ччаврийри дарцуно дусса. Цучлав цала мурадлайн кьаиянтиссар адавшиву дурну акьа, мукуна адавшиву кьариртма ва ччаву хьама диртма куна ялавайгу цучлав кьаагьантиссар. Идавс 著, мунал асхлэбтал, мунал куплат ххира хьун хйарачат бан аьркинссар. Му ччавричан буцайссару жува тариқятрал.

– Муриднан, устазнал дуллусса ца вирд дуллалаву дакьа, цува устазначлан хйурматрай адаврай икьан аьркиншиву цуксса агьамссар?

– Цал инсан тариқятравун увхрив, мунайялувссар шайхналармурдубиттур буллан. Чйавуну шайхнал тйайланма кьаучайссар ци дуллан аьркинссарив, ишаралийнури бусайсса. Устазнал дуллусса гьарца зад кьарши кьаувкун, чара бакьа дуллан аьркинссар. Оьрмуллу ххуллу бишин аьркинссар дуньяллул тйалавшиннарданссагу кйану битвун, амма дуньял тйалав дуллаи мунихун агьан кьабучиссар. Аллагна, ахиртарая хьама битлан кьабучиссар.



Цукун бухьурчангу, дакний битан аьркинссар, дуньял – му чйумуйсса задри. Жула гьармудансса кйану му – Ахиратри. Мукун бухьукун, жучланма бучантйимуних диялсса кьулагьас дан аьркинссар. Агана жува хйарачат бувну, жула чйарумур чйун ахиратран личи дулларча, му хьиннува ххуйну биклантиссар.

– Тариқятрал ххуллийн оьвтлун чара бакьа аьркинссарив?

– Тариқят ци дуссарив бувчин буллан хьинссар. Аммарив, жухьра ихтир дакьассар инсантал тариқятрачлан кйунклу буллан. Цукуннив цал шайх Саэд-афанди буслай ия, ганашал хьхьичьава ГЭС-рай зий ивксса дус Мухаррам цуклунчав ганачан вирд ласун кьаувкйшиву ва цува ганайн оьвтлий кьаивкйшиву. Яьни, дуснайгума оьвтлун кьабучиссар тариқятрал ххуллу кьамул бан. Ахирданийгу Мухаррам цукуннугу увкун тариқятрал ххуллу бувгьуссар. Мунин бувну, бучйир укун учин: жучанма оьвтййгу бакьару, бувкйийгу махьунмай гьан кьабару.

– Ца-цавай инсантал бур бунагьру буллаи буру, миннул цаний устазначлан бачин лайкь бакьа буру, ганал кьатлул хйурмат зия баврияр нава кьалавгун икьанна, нач хьанай дур тйий. Ци насихлат бан хьунссар мукунминнан?

– Мукунсса пикри бур, амма му кьатйайлассар. Му щйятйаннуятур. Шайхнал мурадыв, инсантал бйайкусса ххуллия тйайлассса ххуллийн буцлацавур. Бунагьру циньявналагу

Тариқят аьркинссар гьарца инсаннан: гьарца инсания ивкйлай ур, мунияту мунан аьркинни ххаллилшиву, дакхьуншиву куннасса диялдакьашивурттая кьюкй марцй дуллан.

дуллалисса элму), исламрал элмурду лахьлай щаллуну мутааьлимнал курс барт лаган бав. Ттул учительнал хьуннасса кьулагьас дайва хьуннасса имам Аль-Гьазалинал произведениарду лахьхьаврин, хасну «Ихйау-оьлуму-ддин», ккалай уссияв Аль-Гьазалнал произведениарду Итхйафрал толкованиярдаву. Кьурьанналул мяьна дурчин тафсирду бусса кунма, Гьазалинал произведениардалгу цила тафсирду буссар.

Вана укун, 1970-ку шиная 1978-ку шинайн бияннин най дия ттул дуккаву Рамазановлуча, мунияр махь на ивзра Кьаранайлив, тий мадрасагу кьуртал бав. Яла, ца навалу дарс лахьлай элмурду таман дуллаи уссияв.

Мийра шиннардиву Аьбдулхамид-афандигу накьлу хьуна. Цаппара хйаллай Хйамзат-афандиначлан занай уссияв. Га ия угьарасса инсан, чйавуну кьашавайгу икйайва, хьунма хйал кьавхьуну ва дуньяллиягу лавгуна. Му чйумал муридтал тарбия буллансса иджаза (изну) дуллуну Нечаевкалийтуса Меселавл Мухаммад-афандинахьхьун. Ганал каялувшиннарайну на, тариқятрал муракьабалул даражалийну ивра. Ганалгу хьунма хйал кьабувну ва дуньял кьадиртуна. Му чйумал Чиркейлиятуса Саэд-Афандинахьхьун иджаза дуллушиву кйул хьуна. Муния гйхунмайсса тариқятрал амурду Саэд-Афандинал каялувшиврулу биттур буллаи уссияв.

Ттун дакний бур, цалчинсса хьунабакьаврий, духтурну унува, муриднугу ушиву кйул хьусса чйумал га махлаттал хьусса куц. Исламрал элмурду лахьлай ушиву кйул хьуну хьиннува махлаттал хьуна. Та коммунистьтурал чйумал му бия махлатталсса иш. На ттула санятрай Кьаранайлив, Эрпелилив участковый больницардай зий уссияв. Га чйумал Батлухряясса шайх Сааьду-хйажинал арс Мухаммад-Афанди кьютл хьуну Буйнаксалив яхьанай уссия, ца-ца чйумал зунттавунгу лаглай.

Ганал тйалавшиннарайну Эрпели шйраву ганал арснал арс Хйажиев Мухаммадлун (цана – Нурул-Ислам кказитрал редактор) кьютлну Исламрал элмурду лахьхьин дуллаи уссияв.

1995-кусса шинал Эрпели шйраву зий усса чйумал маркйачанмай ттучлан Чиркейлияту инсантал бувкйун, ттуйн устаз оьвтйй ушиву бувсуна. Махлаттал хьуну, цуклуй кьашавай урвав тйисса пикригу хьуну, давление ххал дайсса приборгу ларсун, вана укун, жу бавчургу Чиркейлив. Тий жух ялугьлай ия Саэд-Афанди. Цичлавгу

кьааьркинссар – гьарзад кьютлну дитан аьркинссар». Нагу мукун бувссия, вай гьарзадрая щихькйугу кьабувсьссия. Яла на Эрпели шйравун иян увнав. Му иш хьуна 6-чинмуния 7-чинмур сентябрьданинин. Ларгсса шинал, декабрьданул 28-нний чйавусса бардулт бусса кйанай Саэд-Афандинал баян бунни муридтал тарбия буллансса амру буллаи ушиву.

– Ца-цавай бикйай суфизм му инсантуравух хйала бакьасса, халватрайсса ххуллу буххай. Ина духтурнугу зий, динналул элмугу лахьлай, устазнал тапшур бувмургу биттур буллаи ивкйшиврулу му иш мукун букьашиву чйалачи буллаи бур. Бюхьайссарив ччима инсаннаца лагма-ялттуминнан мюнпат бусса давугу дуллаи ххуйсса муриднугу икьан?

– Инсаннал цалчинсса бурж – цалва оьрму бутансса ризкьй хйалалну тйалав дуллалавур. Дуккавил ва ризкьй лякьаврил дянив дурчин багьлай бухьурча, хйалалну ризкьй лякьаву дурчин аьркинссар, элму кйилчинмур кйанай дуну тйий. Цанмагу, цалва кулпатрангу хйалалсса ризкь лякьаву инсаннал хьхьичьава-хьхьичьсса буржи. Мунияр махь, дуккинсса тагьар духьурча элму дуккин аьркинссар, му инсаннан яла хьинмурди. Тйайласса ххуллийн ачиншиврулу инсан икьан аьркинссар шайхнал каялувшиврулу.

Цавай бикйай муридтал ляличийсса инсантал ххай ва муридну икйаву язиминнал кьисмат ххай. Му тйайла бакьасса пикрир. Тариқят аьркинссар гьарца инсаннан: гьарца инсанния ивкйлай ур, мунияту мунан аьркинни ххаллилшиву, дакхьуншиву куннасса диялдакьашивурттая кьюкй марцй дуллан.

Хйадисраву бур ца чансса чйириссарагу дакй хьуншиву дума Алжаннунун кьауххантиссар тйий. Тариқятрал лахьхьин байссар дакй хьуншиву ва цаймигу ххуй дакьасса хасиятру кьаритан. Масалдаран, жува дакй мяшшивруцал (зависть) кьаталарча, мунил жулва ххуйсса аьмаллу ччуччин бантиссар. Мукунсса хасиятрукьаританбайссарттариқятрал. Му гьарцагу инсаннан аьркинссар, муниву хьунисса даражарттайн гьаз кьахьурчагу. Му бакьар тариқятрал мурад. Локомотиврацун бавхлусса вагонну нанинийн бияйссар, хьхьичй бунугу, махь бунугу. Жул мурад – Аллагнал рязишиву!

– Муриднал оьрмулуву яла

ХИЯМИС

Аллагьу Тааьла тйий ур: «Ттул валийнан зарал биян бувсса инсаннан На дяьви баян буллаи ура»

буссар, мий буминнал мурад – шайхнал асарданийну, мунал барачатрайну баххана хьун хйарачат бан.

– Цукунсса дахйаву дикьан аьркинссар муридтурал дянив мий куннащал ку цукун бикьан аьркинссар?

– Ттул учитель Мухаммад Рамазанов (Аллагнал цал даражартту гьаз баннав!) буслай ия хьхьичьава, муридтал хьинну чанну бивкйсса, куннан ку хасну кйулну кьабивкйсса чйунная. 1953-ку шинал зунттава Буйнаксалив увкйний ганашал укунсса иш хьуну бия.

Шагьрулувухьаныхьиссамуридтал куннан ку кйулну бивкйун бур. Миннал дянив мукунсса ччаву диркйун дур, уссурваврал дяниврагу кьадикйайсса. Ххуллий хьунабавкьуний, рязишиврулу дакй гьарта шайсса диркйун дур.

Цаннасса чйумал муридтал чйавусса бур (Альхйамдуллиллагь!), миннал дянив укунсса ччаву дакьахьурча, хйарачатвагу бан аьркинни мукунсса ччавричан. Цува цайминнаяр хьунну чйалан кьааьркинни. Дакй хьуншивруллихха цила чйумал Иблис ссаврунная эки ливчусса. Иблислул, тйайланма Аллагнаятусса, инсаннан сужда ба тйисса амру биттур кьабувну, дакйгу дарцуно увкуссар: - «На хьинссара!». Щйятйаннул ххулу жунма бакьар, жува му ххулийн бачин кьааьркинсару. Жунма мунин кьаршиссса ххуллу бугьан аьркинни, «цаманаяр нава кьалавайссара, цаманан хйурмат бан аьркинни, адаб дуллан аьркинни» тйисса пикри бикьан аьркинни.

– Муридтурал дянив, бусурманнал дянив цашаву дикьаврил агьамшиву цири? Мукунсса цашаву дикьан бюхьанссарив тара-тагу?

– Гьай-гьай, гьарца зад цакуну кьадулайссар. Инсан цукун тарбия хьуну урив, цукун цакь хьуну урив, мунил хьуннасса мяьна дуссар. Гьарца инсан цала ялув авцун икьан аьркинссар ацаву дакьа. Жура ахьулсса цила кйанттайн дагьан дурну цукун дакьин дуллаи бурув, мукунма жулва ялувгу бацн аьркинссару. Хьинсса хасиятирттащал льявхьусса инсаннан бур талихй, амма циньяв мукун кьаляхьай. Цала цува камил уллан аьркинни, цала кьюкйлил, хасиятрал хьирив ацан аьркинни, ургйил бусса икьан, ссавур дуллан хйарачат бан аьркинни.

– Ци агьамшиву дуссар бусурманчунал оьрмулуву СМИ-рдал? Ца Дагьусттанлувтурачан бакьа кьабиллалисса кказитирттаву, журналлаву, передачарттаву Исламрая бусласаву гьассарив?

– Масалдаран ласурча телевизор, му бунунияр бакьану хьинни. Мунива мукунсса информация най бур, ахирданийгу инсан гьалак уккан ан бюхьайсса. Так ца ссал цаний буруглан бучйирив телевизорданух – му исламрал передачарду, ТВ-Чиркейлул передачарду, миннуха лархьхьусса цайми передачарду. Телевидениелул оьккисса асар цакуну бияй ►► 5

Жул мурад – Аллагьнал рязишиву!

4 ◀◀ лагма-ялттуминнай. Цукунсса дунугу ца мода чу-бунугу, архсса Парижлив дуркний, му цанара Дагьусттаннайгу гьаз шай, жагьилтал ккавкмунил хьирив бачлай бур. Буклай бур тивтлусса чурххардищал, карщив дакъасса хьами. Жулва жагьилтулан бувчлай бакьар махлукьатран дуллумуниву яла лараймур Ислам душиву. Му яла кьимат лавайсса неъматри. Цалчинма-цалчин жунма цинявннанмагу кьулагьасшиву дан аьркинни Аллагьнал жува циван

Инсаннан цала цува камил уллан аьркинни, цала кьюкьил, хасиятрал хьирив ацан аьркинни, ургьил бусса икнан, ссавур дуллан хларачат бан аьркинни.

ляхьан бувну бурив. Аллагьу Тааьла Кьурьандадуву тий урхха: **«На инсантал ва жиндри ляхьан къабав, Ттуйнна эбадат дуллан бакьа»**. Тпайлану эбадат цукун дайссарив идавстурал жучанна диян дурссар. Миннаатури жунма кьулсса Аллагьнан эбадат даву – му жула яла агьаммур бурж бушиву. Гьарца лирчмур задри – килчинмур кьанайри дусса, мукунни хисав ласлан аьркинсса. Мунийнварии СМИ-рдалгу овьчаву дан аьркинсса.

– Хурмат бусса шайх, ци насихат бан хьунссар ва бусурманнан захиматсса заманалуву?

– Дуркун дур мукунсса чун, инсаннан тпайласса ххуллиин агьан хьинну захиматсса. Мюрщиянцияца байбивхьуну жула гьарцаннал лагма чявусса информация бур, жагьилтал муниву бюкьлай бур. Миннаца пайда бумургу, зарал бумургу личи бан бюхьлай бакьар. Тпайласса ххулуу льякьин хьинну захиматсар. Агана инсаннан бувчлай бухьурча ва дуниял кьултасса, чьумуйсса душиву, щихьчлав цува хьуна хьуннин яхьунсса гарантия дакъашиву, хлатта хьуна хьурчагу муна цукуннугу гамур дунияллийн гьан аьркинссар. Гамур дунияллийн абадлийссар. Ганияту бувсьсар цала яруннин Алжангу, Дуржагьгу, Ахиратгу ккавкманал. Му жула Идавс Мухаммадри ﷺ. Жува цинявпагу кьибавчу ххулли бур: Алжан ягу Дуржагь бувчин аьркинни. Муният ххулуу лавсун, оьрмугу низамрай бутлан аьркинни. Цинявпагу гьантиссар абадлийса ахиратравун. Тивури цичлав баххана бан къахьунтиссар.

Мунин бувну, ший, ва оьрмулуву жунма бувчин аьркинни агьаммур цирив кьилчин даражалумур цирив. Жула кьану льякьин аьркинни. Агана инсаннаца цала ххулуу бувчин хьурча, муна бигьану биклантиссар. Муниншиврул цана цинярдагу сантру дуссар. Жул жагьилшиврий мукунсса сантру къадиркиссар, жу чакгума кьюттну байссия! Цанасса чьумуву цинявпагу ххулуурду тивтлуну бур: элму ласун ччай урав – ласи, тпайрикат ласун ччай урав – ласи, шайхталгу бур, къамул буллалисса инсанталгу бур, бувчин буллалисса инсанталгу бур. Исламрал элмурду ласлан хьанай дур учебный заведениерттаву ва шарда. Тпайласса ххуллиих ачиншиврул цана цинярдагу сантру дур. Жухьра дур ихтияр Аллагь рязину икнанса ххулуу бувчин. Ча тий ура цинявпагу Ислам дурчин, чансса дунугу кьулшиву диклан, Аллагьнал сситтулун къабагьлан.

Интервью ларсьсар Аьзиз Мичигишиевлул

ЭЛМУ

Элмулул хирашиву

1 ◀◀ Элму Идавстура (аь.с.) аьлимтурайн бутлурайн дуклакиссар. Хьус Фираавнтураят жуагьилтурайн (дукьарккунса инсантурайн) бутлурайн дуклакиссар. Элму Аллагьнал ﷻ Цала ххираминнан, ччиманан дакъа къадулайссар. Хьус ччиманангу, къаччиманангу дулайссар. Элмулул инсан уручлачиссар. Инсаннал хьус дуручлачиссар. Элму инсаннаха зузиссар. Инсан хьуслиха зузиссар. Элму цаманан хьукваврину нукьсан (чан) къашайссар. Хьус, харж дулла, цаманан дулаврийну нукьсан шайссар. Элмулул заллу ивкьуну махьгу хьама къаитайссар. Хьусли заллу дунияллийгу ивкьунассар. Ивкьуну махьгу дакнинвагу къаагьайссар. Хьусли залуннахь Кьияматсса Кьини гьарца кьапикьира суал бантиссар: «Ча тпалав дав?» - куну. Элмулул залуннан гьарца калималул бакьрансса даражартту биклантиссар Алжаннаву.

Масала: Дунияллул уттарашиву инсантураятур. Инсантал бакьахьурча дуниял диркиссар. Инсантурал уттарашиву рухирдайну. Рухи дакъасса инсангу ивкиссар. Рухирдал уттарашиву

аькьлулийнури. Аькьлу бакьасса рухьгу диркиссар. Аькьлулул уттарашиву элмулийну. Элму дакъасса аькьлу бивкиссар, элмулул уттарашиву аьмалданийну. Аьмал бакьасса элмугу диркиссар. Аьмалданул уттарашиву ихласрайнури. Даки марци дакъа бувсса аьмалгу зияссар, бивкиссар. Мукун бухьувкун, элмулийну цимурца зад дазайсса. Чурххал бивчаву, рухи дуккавринури, дакнил дирчаву – элму дакъашиврийнури. Гьарайну къаркьсса лухччи, уртту хьярххун, щюлли хьуну, уттарашайсса кунна, элмулийну дакигу уттарашайну, оьрмулул эбадатгу уттарашайсса, дакигу уттарашайну. Эбадатгу сахихи (тпайла) хьуну, абадлийсса сааьдатрайн (муданмасса талихьрайн) иян ччисса инсаннал элму кьул дуллалаврийхун машгьул хьунссар.

Хласил, Аллагьу Тааьланал ﷻ инсаннал жинс личийну, цайми хьайвантураяр ххира увну, хьун увсса, мунал чурх ххуйсса, кьувват бусса, виричусса цайми ххуй-ххуйсса ссипатру, сунаьтру (магьиршиву) дусса уну тий акьари. Мунаяр ххуйсса, виричусса цакьсса цайми

ХИРАШ

Элму лахьлан
каши дунура
лахьлай къаивкьма,
Кьияматсса Кьини
цинявннарйгу
хьинну пашман
хьанантиссар.

хьайвантал, жанавартал дунияллий чявуссар. Му ххира-хьун увсса элмулийну, элмулул аькьлугу буллуну. Элму дакъасса инсаннал масала, гьаттарал масалар, личи акьассар. Элму кьулмагу, къакулмагу цава-ца къашайссар.

Хлатта, Аллагьу Тааьланал ﷻ Адам Идавс (аь.с.) малаиктураяр ххира-хьун увну, мунайн сужда бара кунса элмулийну, малаиктуран къакулсса гьарца задран царду муна кьул дурну, миннан къакулмур кьулгу бувну.

Элму ххирашиврул аьламат му къагьарив? Расулуллагьнан ﷺ гьар дунияллий дуцири элму кьулну диркиссар. Кьулнагу элму зияда (чяру) даннав тий дуаь дулла ивкиссар. Аллагьу Тааьланал ﷻ мукун дуаь дулува куну амру бувну тий.

Аьлимчувнал ххирашиву

Аьлимтал халкьуннал чирахьрур. Миннал чаннайнури халкь дунияллийх заназисса. Гьарца аьлимчув цува усса заманалуву усса инсантуран нурди. Мунал нурданувухри мий заназисса.

Дунияллул тарцрури. Аьлимтурал элмулийну халкь бавцусса. Мий бакьахьурча гьалак хьунтиссар. Аьлимчув

даражалуча яла гьанмур даража аьлимтурал, гьазийтурал даражари. Муьминсса аьлимчув, муьминсса аьбиднаяр арулцалва, ттуршва даражалул лавайссар, ххирассар. Дяхтта зума дугьлай, хьхьурду уттар дулла гьазаватрай заназиманияр, элмулий аьмал буллалисса аьлимчув ххирассар. Кьияматсса Кьини шафааьт биянтисса кьюкьа шанна дуссар: Идавстал, аьлимтал, гьазийтал.


Ссавруннайсса малаиктурал, лухчинийсса хьайвантал, гь а в а л л а в у х с с а лелуххантал, хьхьиривусса хьаврал, рухи думунил, дакъамунил, атилмунил, къаркьмунил, гьар куллу-шайьралсалават дутлатиссар минная. Аьлимчувнал шану ххирассар жагьилнал чакнир, дяхтта зума дугьлай, хьхьу уттар дулла шина дурсса эбадатнир. Цал аьлимчувнал лажимиравун ургаву ххирассар.

Аьлимчувнаца кьира ссятрай щяикларча, я мунащал архал кьива шаласурча, я мунащал архал кьива къац ччатлул учирча, я мунаяту кьива махь баярча, Аллагьу Тааьланал ﷻ муна кьива Алжан булунтиссар дуниял кьираксса гьартасса. Аьлимтурайн зиярат баву, идавстурайн

хьусса бунагьирттал аьфву байссар. Миннаца щяикларча, диркисса дакьру миннал хьикматрал нурданийну уттарашайссар. Аьлимчувнаца щяивкьун мунаяту ца хларп элмулул кьул дурну, цума ухьурчагу, мунацлату изаннин, муная циняв бунагьирттал аьфву байссар.

Аьлимтураха хурмат бувну, кьуллугь бувну, мий хьун баву идавстураха кьуллугь баврин лавхьхьуссар. Цакьини аьлимчувнаха кьуллугь барча, зувира шина идавсича бувсса кунмассар. Аьлимчув хьун аву, идавс хьун авур. Идавс ﷻ хьун авугу – Аллагь ﷻ хьун авур. Аллагь ﷻ хьун умванангу Алжан буссар. Аьлимчув хьамалу умва, муна дукансса дуллума – Кьияматсса Кьини аьрцирал ххютулу щяиклантиссар. Аьлимчув кьюкьин аву – идавс кьюкьин авур. Идавс ﷻ кьюкьин аву – Аллагь ﷻ кьюкьин авур. Аллагь ﷻ кьюкьин умванангу Дуржагь буссар. Хлатта, аьлимчувнайн оь махь увкуну, му кьюкьин увну, муна къаччан биклан бувманал шарссанил ца дагьайссар. Аьлимтурал дикл загьрур. Мунайн къац увкума гьалак шайссар.

Аьлимчув ивчаву, аьлам циняв литаврин лавхьхьуссар. Му ивкьукун хьхьиривусса хьавру аьтлун биклайссар, гьаваллавусса лелуххант аьтлун биклайссар, куллу-шайь пашман шайссар. Му ивчаврий пашманшиву дурманан, азара аьлимчувнануксса, азара шагьиднануксса чир биклайссар. Аьлимчув ивкьукун, исламрай ккут шайссар. Муна кьанай цала къаавцуну му дакъащайссар. Ахирзаман гьан хьувкун элму ссавруннайн ласаврил мяьна – аьлимтал бухлагавур. Цирда гьаз къадайссар.



усса махьла уттававар. Акьасса махьла ливтлуссаннан лавхьхьуссар. Паччахьтал халкьуннал ялув буссар. Аьлимтал, Паччахьлугьрал ялув буссар. Аьлимтал идавстурал варисталли. Миннаят элму бутлурайн ласласиссар. Миннал уманаталли (вихшала дирхьумири). Миннан кьануний бавцуссар. Идавстурал

ИСЛАМ ВА МЯЪРИПАТ

Патимат ХАМЗАТОВА

«Аллагънайн мютиймур ягу Иблислух вичи дирхьумур?»

Дайдиху хьхичими номердай

Цукунсса члалачин диклан аьркинссар хьамитайпалул?

Гукунсса янналул (тиртлусса), хьаннил цуллу-сагъшиврун хьунмасса зарал биян буллай бур. Кинттул клачлану заназисса хьаннин зарал биллай бушиву бувчллай бур, аммарив, тйланнасса бургил тинттал заралания хьиннура хьуннасса нигъачлаву дур. Мукун заназисса хьаннища бигъану оьрчл бан къахьунссар. Ялагу бур цаппара хьами, янна ларххун бунува, клачлану члалачисса. Мукунсса хьами буккантишиву азаллий ххюттуршра шинал хьхичлаву клулну бивкиссар. Мий алши бакъасса хьамири. Миннал Алжаннулкъанкьрагу къаришунтиссар, гьарца кланттайх пив хьуну дунура. Тиртлусса янна ларххун занай бивкисса хьаннил члявучин тавба дувай. Байбихулийва цинна Аллагънайн мютийшиву дурчлусса хьамитайпалул къадарданул, га дуржагъравун багъан къабитантиссар.

Бусурман душнил янналул клучл дуллай дур клучну диклан аьркинмур, мува члумал, га душ чюлу буллай бур.

Вана укун, гьарзад хьанай дур ганин салихисса оьрмулийн гьира багъаврил сававну. Укунсса оьрму жагъилнийва байбихьуминнан бур талихл.

Ца-цавай бугъарасса оьрмуллул хьами бур цацалами Ахиратравун

тйайла буклай, цанмарив, Израэл малаик цацлана учлантишиву пикри къахьанахьисса. Ялагу бур хьами, оьрмуллул бугъарасса бунува, мува куццуй бакрай карщи дакъа заназисса.



зисса. Гайннан клулну бивкиссания, бакрай дуртусса карщул цивпа цукун жагъил буллалиссарив, лазиларкьуну, исвагийну, узданну дутарча. Амма, ца Аллагънайн мютийшиврул цаний

хлижабгу ларххуну, хьунклуплутли кунма заназисса жагъилсса душниха лархьхьусса чичлава дакъар. Талихрайн укканссар, га тлутли цанна диртума. Гукунсса душниву лавивкун бухьунсар алжаннул хлурульэн. ИншаАллагъ. Му иш клул хьунтиссар Къиямасса Къини. Рахиму-цими баннав жуйва цинявнай Аллагу Тааьланал. Амин!

Хласил, янналул клучл бан аьркинссар щала хьамитайпалул чурх, лажин ва кару личланнин. Укунсса янна, чани члалачисса, чурххацун ларчлусса, арамурамуниха лархьхьусса диклан къабучиссар. Хлакьинусса къини дур винна ччисса яннарду, Шариатрал тлалавшиннагу биттур дуллалисса, мува члумал тти заманнул жагъилтурал модалухунгу даркьусса. Цалсса ттигу учинна, - хлижаб хьинну агьамсса лишанни. Зу вих машару «Яла агьаммур инсаннал дакри, загьир дакъари» тисса, цуппагу тиртлусса, ххуй дакъасса янна ларххусса хьамитайпалийн. Му члумал, га циятува тийри бусса, гужну хиллардугу дуллай, ганил дакл марцлну диклан къабюхьайссар. Циванни чирча, цуппа ляхьангу бувну, оьрмугу, цуллу-сагъшивугу, ризкьигу дуллусса Аллагънайн мютий къахьанай буну тийри. Агана иман дусса, хлижаб лархьхьусса хьамитайпалул зухь: «Аллагъ зул загьирданийн, аваданшиврух аьари уругайсса, зул къюклиявунни,

аьмаллахри уругайсса - чирча, му хлакьсса тйайлашивур. Хлижаб лаххаву - му пахрулунсса, ялттурасса даву дакъар. Мунил тиссар, хьамитайпа гьарца цила ишираву Аллагънайн

ХАМ

Элмулухун машул хьуманан ризкь дулаву Аллагънал цайнна ларсьссар

мютийну, Ганал къадарданийн рязину бушиву.

Вана укун, бусурмансса хьамитайпа цила тлалавшинна клучл дуллай дур, члалачи дурсса лякьлул, хьазамрал, джинсы ларххуну тий хлурмат къабуну, тлут-тлабиаьтрахлу, хасиятрахлуну хлурмат булланшиврул. Бусурмансса хьамитайпалун къабучиссар лагма-ялттуминнал хлакьираву дакл хьунну биклан, гайннал Аллагънал амрурду биттур къабулларчангу. Цала оьрмуллул тагъар даххана дан инсаннан гьассар ца къинигу, муниату, зунма хьуннабавкъуминнан дуаь дуваву хьинссар, Аллагъ рахиму-цими бишаймари, балики, хасну зул дуаь ца бунугу душ тйайласса ххуллий бацлаврил сававну хьун. Агана мукунсса лаххиялул архлал, ганил ххуйсса тлут-тлабиаьтгу духьурча, цалчинма-цалчин ганин цинма хьинни. Карщи, хьамитайпалул хьазам клучл буллай, ганийх яларай гьартану дагьну диклан аьркинссар. Карщул лувату къанча члалан къа-аьркинссар, цанчирча, ххуй бакъасса хьаннилли биклайсса къанча варанттул къамарахагу лацин бувну. Аллагънал амрурдаву куртисса хликматшиву ва камилшиву душиврий цац багъан мабулларду, гьарца къадагъа дирхьумуниву хьамитайпалун цинмари хьинбаларду бусса.

Цукунчлавгу хьанил янна адаминал янналуха лархьхьусса диклан къа-аьркинссар, цанчирча, мукунсса янна цайн нааьна дурсса хьаннил бакъа лахлай бакъа тий. Цинярдагу рангирдава къяламур ранг ххуйссар, цанчирча жула Идавсин ххирасса диркун тий.

(Гухунмайгу буссар)

Элмулул ххирашиврул хавар

Къияматсса Къини хлсав-суал бакъа, аьзаб, захлмат бакъа, мукьра къюкьа дучлантиссар Алжаннул хьулун. **Хьхичлра-хьхичлмур** - элмулий аьмал буллай бивкисса аьлимталли. **Яла** - хлаж пасат къабуну марцлну ябувсса хлажийталли. **Яла** - шагид хьуну гьазавтрай ливтлусса, хлакьсса гьазийталли. **Яла** - хлалалсса касбулий хьус тлалав дурну Аллагънал ххуллий рияь, сумаьт бакъа садакьалун дуллай бивкисса сахаватлутталли.

Яла миннал дянив низья (бяс) багъантиссар, хьхичл жу буххану тий, цавай жу буххану тий, цавай жу буххану тий. Яла Аллагу Тааьланал Жабраил тйайла антиссар миннал дянив хлукму бан. Яла Жабраиллул суал бантиссар хлажиттурахьгу, гьазийтурахьгу, сахаватлуттурахьгу: «Зу ссахлунуру хьхичл буххану тисса?» - куну. Хлажийтурал учинтиссар: - «Жу Аллагънал ххуллий хлаж бувну тийри» - куну. Гьазийтуралгу учинтиссар: - «Жугу

Аллагънал ххуллий гьазават буллай бивкун тийри» - куну. Сахаватлуттуралгу учинтиссар: - «Жугу Аллагънал ххуллий хьус садакьалун дуллай бивкун



тийри» - куну. Яла Жабраиллул учинтиссар миннахь: «Зун миннул чире бушиву щияту бавуна?» - куну.

«Аьлимтурая бавуна» - чинтиссар. Ялагу Жабраиллул учинтиссар: «Туну зу миннал адаб дурну, мий хьхичл буххан битан ялуврихьа» - куну. Яла аьлимтурал учинтиссар,

кумаграйну, дуккарду» - куну. Яла Аллагънал учинтиссар: - «Я, Ризван титла алжаннул хьулурду, хьхичл сахаватлуттал буххан, яла аьлимтал буххан» - куну. Мукун бухьувкун - элму тлалав дуллалиманацун ка бакъаву, хьуслийну биклу, канийну, кумаграйну биклу, хьунмасса чире хласул шайсса задри. Миннал дуккавил чире, миннацун кумаг бувминнангу биклайссар. Хаснува, хьхичл-хьхичл нитти-буттал бан аьркинссар, оьрчл чивисса, элмулул къадру къаклулсса члумал, ялув авцлуну, минния уцан къаувну, дуклаки увну. Циксса ппхьлур оьчл аьлимчув хьуну ччисса, цалла ижтигъад дакъа, оьрчлал тлалав дакъа, ягу мискиншиву ххихьуну дукьарккуна личлалчисса. Хаснува, ва заманнул оьрчлру дунияллул хьус, хьиншиву ххуй дизлай, элму къариртун, миннхун машгьул хьуну хьаврин хьусса. Яла клиссурайн къацл тунтиссар. Дунияллулгу, Ахиратлулгу цимурца хьуншиву, хьиншиву элмулуву дуна.

ИХИСАН

Дайдихьу хьхьичи номердай

Килчинмур бакI

Ххуйсса хасиятру

Духин душиву – му хлайванийсса сипатирттая ва шагватирттая нафс, чурх арх буцин бавури. Мукунсса сипат дусса инсан Аллагначлансса гъаншиврул ва къанкъашиврул (цакъшиврул) заллуну хъанахъиссар.

Клуклушиву – му шагват бакъанмасса рахму-цими бишаву ва язугъшивури. Укунсса сипат дусса инсан халкъ тарбия бан, насихлат бан буюхайсса инсануравасса шайссар.

Иминшиву – цайминная цува лавайшиврия махъунай ищавури. Халкъуннащал хурматрай, адаврай иклавури. Укунсса хасият дусса инсан барачатрал заллуну иклайссар, мунал аьмаллугу Аллагнал къамул бувайссар.

Даки тиртлушиву – цанма ххирасса инсанурашчал хъуна авкъуний ххарившиву ва пиш тлутлаву ялун личин давур. Укунсса хасият дусса инсан тлайлабацлу бусса, талихл бусса хъунтиссар.

Пикрирдал марцлшиву – цинярдагу ляхъан дурмуния пикрирду марцлсса биклавур, миннух рязину уруглававур. Укунсса хасият дусса инсанная марцлсса, даки тиртлусса инсан шайссар.

Сахаватшиву – му махъунай

Гъази-Гъумучатусса шейх Джамалуттиннул

"Адабул марзия"

Килчинмур бутIа – нафс лайкъ дакъасса хасиятирттая марцI даврия, ва ххуйсса сипатирттайну чIюлу баврия

жавабран циклуи тIалав къадуллай, цичIав мурад хьхьичI къабивхъуну хъус бусравсса инсануран харж дувавур. Укунсса хасият дусса инсан нийятирттаву марцлсса, даки тлайласса, лахъсса даражарттайнгу гъаз хъанахъисса инсан хъунтиссар.

Сивсушиву – шариаьтрай дазурдава къауклай, захиматшивурттайн ва бала-мусибатирттайн нанаву. Укунсса хасият дусса инсан цакъсса ва хурмат бусса инсанурава иклантиссар.

Ссавур даву – ва дуняллий ва Ахиратраву Хъунасса Аллагнал рязишиву ласуншиврул баларду ва захиматшивуртту духлаву. Укунсса хасият инсаннал Аллагнаята муданма кумаг, ка бакъаву ласлантиссар.

Къайгъу баву – Аллагначлан иян хIарачат баву ва гъарца задрая махъунай шаву. Укунсса хасият дусса инсан Аллагначлан ивминнавасса, Аллагначлан гъан хъуминнавасса иклантиссар.

ХIарачат бушиву – инсаннал цала бакIрайн ларъсса зад паракъатсса къюклищал биттур даву. Укунсса хасият дусса инсан неьмат цан буллусса инсануравасса хъунтиссар.

КъюлтIну битан аьркинмур ялун личин къабаву – винма

пишкеш бусса хасшивуртту ашкара къабаву. Укунсса хасият дусса инсан сахаватшиврул ва хурматрал майданнайн гъан хъуманугу элмулур



ва хикматрал заллунугу хъунтиссар.

Чанссануй рязи шаву – Аллагнал дуллумунийну даки паракъат даву, чIяру дан хIарачат къабуллай. Укунсса хасият дусса инсан хъинсса дакинил заллунугу, хъунисса инсанураватуссагу иклантиссар.

Дунял къаритаву (аскетшиву) – Заннан эбадат дан диял хъанахъисса дазурдал къатлур дуклакисса дуняллул хъуслия махъунай шаву.

ХIАМИС

Альимтал идавстурал варисталли

Укунсса хасият цаву дусса инсан Аллагнан ххираманугу, инсануран пайда буманугу иклантиссар.

Таваккул бутаву – Аллагнал сахаватшиврийн таваккул бивхъуну мюхтаж хъанахъимуниву къайгъу баву дакъашиву. Укунсса хасият дусса инсан Аллагъ клул шаврил заллуну иклантиссар.

Укун, гай хьхьичI клицI ларгсса, ххуй дакъасса хасиятругу цаватура дукъан дурну, вай цинярдагу ххуйсса хасиятру цачлун дурсса инсаннан, вай цинярдагу камилсса сипатру хIасул хъунтиссар. Махлукъатрал сайид МухIаммад Идавсил суннатрал хъирив авчуманугу хъунтиссар. Аллагначлан бивсса хурмат бусса ва хъунисса валийтуравассаваххираминнаватусса иклантиссар. Циняв макъамру, ахIваллу бивтминнавасса, ахIваллу хIасул хъуминавасса, чувшиврул даражалийн гъаз хъуминнавасса иклантиссар. Мукунсса инсаннан, изну буллуну биклантиссар инсантал шариаьтрайн буцлан, муридтуран хIакъикъат лахъхъин буллан (хIакъикъатрайн буцлан). Му инсан динналуву Аллагнал халифанугу иклантиссар. Ганачлан тлайламунищал буцлациману иклантиссар.

(Гухунмайгу буссар)

Дивану-с-салихIин

Дивану-с-салихIин (салихIинтурал паччахIлугъ) тIисса диван буссар, дуняллийсса циняв акътабтал, гъарца кланттавусса хъунисса авлияьтал бавтлун цачлун хъуну ца бивклун дуняллул, аьламрал амрурдаву, иширттаву уттаваминнал биклу, ливтлуминнал биклу мушавара ккавккун тадбир байсса.

Му дивангу ХIираь тIисса Маккалал зунттуйсса Расулуллагнал идавшиврий тлайла аннин эбадат дуллай ивкIсса нуххулун батлайссар, гъарца шинал мавлудрал хъхъуну. Му хъхъунил ахирданий, яла ххирасса жаваб дулайсса Расулуллагъ увсса ссятраву сакин хъуну щябиклайссар. ХьхьичIа-хьхьичI къутIбул-гъавс щябиклайссар, миннал яла хъунама имам, урчIамур чул Маккалийнну, цува Мадиналлал чулухунай урувгун. Яла арулагу мунал канихъсса къутIбу

щябиклайссар. Мукубагу маликийтураятусса акътабтал урчIачул щябиклайссар. Шамагу махъсса мазгъабрал акътабтал кия чул щябиклайссар. Му диванналул агъулданул цинянал вакил къазий дивангу мунал хьхьичI,



мунайн лажинну щябиклайссар. Му ца ккуранни. Миннал лагма яла, махъми авлияьтал щябиклайссар ряхра ккуран дурну. Цаппара хъамигу бивклун минналгу шанна къюкъа дайссар. Цаппара ливтлусса валийталгу бивклун щябиклайссар хIала-ккала. Ми ливтлумий бучаврил суратгу барзахравату (салихIинтурал рухIру диклайсса клану) миннал рухIру лерххун дучлайссар гъаваллавух диванналийн гъан хъуннин, яла лухччинийн дурчлун инсантурал суратрай

хъуну щябиклайссар уттаваминнан адаб дурну. Миннал сурат, гъайатруив (куцру) личийсса клул шайссар. Миннал ххют лухччинийн къадагъайссар. Амма, миннащал ливтлусса аьламрал амрурдаву бакъасса мушавара къабайссар. Яла малаикталгу бивклуну, миннал лагма къюкъри дайссар. Яла, ца къюкъа диял дакъасса, равхIанийсса, камилсса жиндригу бивклун щябиклайссар. Мий малаиктал ва жиндри бучаврил пайдагу, гай валийтурал тIакъат хъирив къалаяйсса амрурдаву, миннайну кумаг хъунни.

Ку чIумал Расулуллагъу учлайссар, му дивандалийн. Магъабатрал, жалалатрал (хъуншиврул) нурдащал. Му увкIсса чIумал, му, кIа къутIбул-гъавсщябиклайссакланайщябиклун, къутIбул-гъавс вакилнал кланай щябиклун вакил акътабтурал къюкълуву щябиклайссар. Утти, му Расулуллагъ увкIсса чIумал, мунал калам байсса къутIбул-гъавснащалли. Му акъасса чIумал, къутIбул-гъавснал вакилнащал байссар. Цаманал калам бан имкан бакъассар (къабюхъайссар). Хаснува, уманащал хилипшиву (разногласие) дайсса калам барча иман дуккавария нигъ дуссар. Му кланттаву, Аллагнаята ливкIсса амругу

Сазд-Афандинал Тавбу

Астагъфируллагъ, РахIман, циняв бунагъирттая, Ина рязи акъасса тIуллая, мукъурдия, Даки Вияту гъапулну увкусса мазрая, Бивзсса шаттирая, тIитIин дурсса кания.

Ина рязи акъамунийн бурувгусса ярунная, Вичи дишин хIарамссаннух вичидихълай авцIмуния, Даки вияту гъапулну бивгъусса ссихIирая, Ина оькки бивмуний рязийну ацIаврия.

Расулуллагнал затраца (сущность) бакъа гъаз бан къашайссар. Расулуллагнаята бивкIмургу къутIбул-гъавснаща бакъа гъаз бан къашайссар. Мунаята бивкIмургу, яла, арулагу акътабнайн накълу шайссар (ликкайссар). Миннаятугу яла, махъсса циняв му дивандалул агъулланийн ппив шайссар. КъутIбул-гъавс акъасса чIунгу диклайссар, му Аллагначлан гъуюб (къюлтI) хъуну, Мунал иширахун машхул хъуну. Ягу ца ивкIлуну, цама къутIбул-гъавсшиврий цIакъ къаувсса чIун диркIун. Му чIумаллив Расулуллагъ иклайссар. Мий цаягу акъахъурча махъсса дивандалул агъулдануви хилипшиву (разногласие) дагъну, куннал ихтияр бивмур (бувчIумур) куннал зия буллай, диван пасат шайссар.

Къурбанаьли бну Ибрагъим аль-Гъучлукъатийю

СУФИЙТУРАЛ БУСАЛАРДУ

Бухаралив ивкIун ур ца хан-зулмукарчи, халкъуннан оьбала буву. Ца къини ганан ххал хъуну бур дякъил ва ккашил бивчIавайсса ккаччи. Язугъ хъуну га ккаччий, цала нукарнахъ амру бувну бур цащалва буцин. Бувцуну ханнал ккаччи цалва шаппай, дукангубувну, гъелисса кланай утту бишин бувну бур. Хьхъувай макIра ца чIунил увкуну бур ханнахъ: «Ина уссия ккаччину, ина га ккаччий бивсса кунмасса рахму Жугу вий буванну» - куну.

СУАЛ — ЖАБАБ

Циванни дуняллий чув бунугу цубарз ххал хьурча гьарца кланай (Дагьусттаннайгу) зума ца кьини дугьлай байбишин къабучиисса?

Ва суал чьувуссаннал булай Рамазан барз гьан хьанан бивкьукун. Цавай инсантал бур муфтийнал бувсса хлукмулин бувну, Аллагнайн ﷺ таваккулгу бутун, зума дугьлан байбишлай. Цаймирир бур цалва вайминнаяр аькьлу бусса ххай, зума чьяни дугьлан байбишлай. Минначла мукунасса ихтияр дуссар, мунир Шариатрацун бавкьусса хлучча (далил) бухьурча, аммарив ххуйну бикланссия миннал цайминнахь му иш къабусларча. Цанчирча, инсантурал дянив: «Циванни аьлимтал цала зума лахьху дургьуну жухьва хлакьину дугьияра тисса?» – суаллу хьанай биклайнутий. Бур имамтал тарс бавцуну цала канивун ссавния барз багьаннин ялугьлагьисса Рамазан барз байбишиншиврул.

Муфтийнал мукьх вичи дирхьуну, паракьатну бьастру къабуллай, цайминнай аьйрду къадуллай зума дугьлан байбишин къашайминнахь учин чива: хьхичлавасса хьунисса аьлимтуралгума бивкьиссар цалин къабувкьсса суаллу (масьалартту),

аммарив, миннал куннай куннал аьйрду дайсса къадиркьиссар. Гьарца бусурманчунан бувчин аьркини Кьурьан Аллагнал ﷺ калам бушиву, ва хладисру жула Идавсил ﷺ куртлсса мяьна дусса махьру бушиву. Кьурьан ва хладис бувчин жулва аькьлу биял къашайссар, муниатур аьлимтурал ацвахьул элмулуп бутри бацан бувсса, мий лавхьхуну бакьа Кьурьан ва хладис бувчин къабюхьайссар.

Идавсил ﷺ увкуссар: «Аьлимтурал кибачлачлаву – умматрансса рахлматри» Аьлимтурал личи-личийса пикрирду (мнение) – му хьанакьиссар инсанатурансса Аллагнал ﷺ рахлмат. Мий аьлимтал лашан бан бучир мурхьирайсса чьарусса къяртраха, Кьурьан ва хладисру-мурхьирал ттарцниха. Цумур къяртта дургьуну бачирчагу, жува Кьурьандалул ва хладисиртал хьирив наниссар.

Шама имамнал (Абу Ханифа, Малик, Ахлмат) мукьурттийн бувну, дуняллий чу-бунугу цубарз ххал шаву тасдик хьурча, цинявпагу дуняллийса инсантурай ялувссар зума дугьлай байбишин. Имам аш-Шафиэнал тлимунин бувну, чу-бунугу дуняллий цубарз ххал шаву тасдик хьурча, му кланттушала ца

часовой поясраву аьрхал бацлацисса цинявннангу зума дугьаву ялувссар. Ца часовой пояс хьанакьиссар баргь гьаз шаву ва лагаву ца члумал шайсса кланттурду. 123 км. радиусраву баргь гьаз шаву ва лагаву ца члумал дакъа диклан къабюхьайссар тисса аьлимталгу бур.

Цамур часовой поясравусса бусурманнал зума дугьан ялув бакьашиврул далил хьанакьиссар Муслимлул Кьурайблуга бувсмур. Ганал (Кьурайблугу) увкуну бур: «Тун Сирияну унува цубарз ххал хьуна. Яла на Мадиалив увкьсса члумал Ибну Аьббаслул ттухь цлвуххуна: «Зучла барз та ххал хьур? - куну. «Нюжмар хьхьуну» - учав на. Ганал цлвуххуна: «Вин ккавкрив цубарз?»». На учав: «Ккавкунни ттунгу, цайми инсантурангу, мунир бувну жу циняв, жушала архлал Муавьиятгу (Идавсил ﷺ асхлал) нюжмар кьини зума дугьлан байбихьурду». Яла Ибну Аьббаслул куну: «Жуннив цубарз ххуллун хьхьуну ххал хьунни, муниату, Рамазан барз ххуллун кьини байбихьуссаннун хлсав буварду». На ганахь цлуххав: - «Муавьиятлун нюжмар хьхьуну барз ххал шаву, ва мунал нюжмар кьини зума дугьаву вин къагьарив?» - куну. Ибну Аьббаслул увкуну: «Кьагьар.



Идавсил ﷺ жухь чув-бунугу цамур кланай цубарз ххал хьурчагу зучлава ххал къавхьунма зума дугьлан мабайбишару учайва».

Циняв Дагьусттаннайсса имамтуран ва аьлимтуран бувчин аьркини жучлава хлакьсса муфтий ушиву, шариатрайн бувну зума та дугьлантиссарив хлукму бан ихтияр дусса. Му хлукму баншиврул хьинну хьуннасса элму диклан къааркинссар. Фикьгьилул (право, закон) за бувчлайсса аьлимчуннацагу шайссар му хлукму буван. Аммарив, аьлимтал ва имамтал чьавусса бур, миннал ца хлукмулийн бучлан захлматри. Муниату бусурманнал дянив аьлимтурая ва имамтурая оьккисса пикрирду ва гьалгьарду къабикланшиврул, имамтал ва аьлимтал муфтийнал тлимунил хьирив бачин аьркини. Мукуна циняв бусурманнал бувчин члунни личи-личийсса шагьурдаи инсантал ца кьини Рамазан зуруй зума дугьлай бакьашивруву цичлав оьккисса зад бакьашиву. Мукун хьхьичлавагу гьарца члумал бивкьиссар, аммарив та заманнай бусурманнал куннай-куннал аьйрду дуллай, ягу куннай ку къаччан биклай къабивкьиссар.

Зума къадургьуна личлаврихсса фидья (аьчла, штраф) щин булун аьркинссар?

Фидья (600 гр. къалмул) мискинтуран ва факьиртуран дакъа дулун къабучииссар, цаминнан закят багьайсса бунугу, фидья дулун къабучииссар. Фидья дулун ялувссар хьунав хьуну унутий зума къариртсса инсаннай, хьин дан къашайсса цлцлыву дусса инсаннай. Мукунасса фидья ялувссар лякьлыву оьрчи бусса хьамитайпалый, ягу оьрчи ккуккулий бусса ниттий, оьрчал цллул-сагьшиврун нигьачлаву дунутий зума къадургьусса. Мукуна ца оьзру бакьанува, рамазан зуруй къариртсса зума хьиривмур Рамазан барз бучланнин хьирив къалархьсса инсаннайгу ялувссар. («Мугьни-аль-мухлтаж»).

Рамазан зурул 30-сса кьини «гьунттийсса кьини Рамазан зурул кьини духьурча зума дугьан нийят дуллай ура»-кусса ийят дурну зума дугьан бучииссарив?

Мукунасса нийят дуван бучииссар. Мукун дургьусса зумагу хлсавссар му кьини Рамазан зурул кьини духьурча. («Фатхлул-Аьллам»)

Шавваль зуруй ряхва гьантлий зума дургьуманан цуксса чири буссар?

Идавсил ﷺ хладисраву бур: «Рамазан барзгу бувгьуну, шавваль зуруй 6-ра зума дургьуманан цалла шинай зума дургьусса кьини буссар». Мий 36-ва гьантта хьанай бур. Гьарца ххуйсса аьмалланух ацлийнуса кьини буссар. Цинявгу 360-ва хьанай бур. Шавваль зуруй цуми бунугу 6-ва гьантлий дугьан бучииссар. Аммарив Рамазан барз къуртал хьувкун, цаннил хьирив ца дургьуну хьинссар. («Фатхлул-Аьллам»)

**Закатуль-фитр члун къадирну дунура булун бучииссарив?**

Имам аш-Шафиэнал мазгьабрайн бувну закатуль-фитр булун бучииссар Рамазан зурул цалчинмур хьхьуну байбихьуну. Имам Абу Ханифал мазгьабрайн бувну ацра шинал хьхьичла булун

бучииссар. Имам Маликулл ва Имам Ахлматлул мазгьабирттайн бувну зума ритаврил кьини дучлан ца ягу кьива гьантлул хьхьичи булун бучииссар. («Фатхлул-Аьллам»).

Зума дургьусса члумал ттул синттава щалла кьини оь буклай бия. На цуксса хларачат булларчагу, туца мий къабюкьан къабюхьунни. Ттул зума хлсавссарив?

Синттава буклакисса оь цукунчлав бацан бан бюхьлай бакьахьурча, мий бюкьаврийну зума зия къашайссар, шайкун оь къабюкьансса хларачат буварча. («Нигьаятуль-мухлтаж»).

Оьрчал цала арцу лякьин хьанай бухьурча, миннахлу закатуль-фитр буттал булун аьркинссарив?

Балугьравун бувхсса оьрчал зума ритаврил кьини ва хьиривмур хьхьуну дукасса ризкь лякьин бюхьлай бухьурча, буттай миннахлу закят булун ялув бакьассар. Аммарив, буттан ччарча оьрчлахлу закатуль-фитр булун, мунахь ихтияр дуссар оьрчая изнугу лавсун булун.

Зума цлуххин чхисса, Исламрацун, шариатрацун, кулпатрал багьу – бизулуцун бавхлусса ва м.ц. суаллу гьан бан бюхьайссар, SMS – райхчин ва номерданийн: 8-988-699-46-79

Закатуль-фитр (ссахл) ца инсаннал булун бучииссарив?

Бучииссар, аммарив шама ягу ххисшаласа инсантуран булуну хьинссар. («Фатхлул-Аьллам»).

Рузнама**ОКТАБРЬ**

Дни	Утренний Ас-Субхл	Восход	Обеденный Аз-Зугьр	Послеобеденный Аль-Гаср	Вечерний Аль-Магьриб	Ночной Аль-Гишаь
1	5.07	6.44	12.39	15.56	18.36	20.00
2	5.08	6.45	12.38	15.54	18.34	19.58
4	5.11	6.47	12.37	15.51	18.30	19.54
6	5.13	6.50	12.37	15.49	18.26	19.51
8	5.16	6.52	12.36	15.47	18.23	19.47
10	5.18	6.55	12.35	15.44	18.19	19.43
12	5.20	6.57	12.35	15.41	18.15	19.40
14	5.22	6.59	12.35	15.39	18.13	19.38
16	5.25	7.01	12.34	15.37	18.09	19.35
18	5.27	7.03	12.34	15.34	18.06	19.31
20	5.29	7.06	12.34	15.32	18.03	19.28
22	5.31	7.08	12.3	15.30	18.00	19.25
24	5.33	7.11	12.33	15.28	17.57	19.22
26	4.35	6.13	11.33	14.26	16.55	18.20
28	4.37	6.15	11.33	14.24	16.52	18.18
30	4.39	6.18	11.33	14.22	16.50	18.16

Зунттал районнай чак байссар 15 минутрал члалну.

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор

Патимат ГАМЗАТОВА

Редактор

Сайфулла МАГОМЕДАЛИЕВ

Канонический редактор

Сиражуддин КУРЬАНОВ

Корреспондент

Иса ОМАРОВ

Менеджер

Мухаммад ХИРИЯСУЛАЕВ
Халидасхаб МАМАТХАНОВ

Компьютерная группа

Лейла ГУСЕЙНОВА
Ахмад МАГОМЕДОВ
Гульнора АБДУЛАЕВА

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону)

Свидетельство о регистрации ПИ № ФС 10-6401 от 15 декабря 2006 г.

При перепечатке ссылка обязательна. Набрано и сверстано на компьютерной базе газеты «Ассалам». Отпечатано в ООО «Дом печати» по адресу: пр-т Акушинского, 20

Заказ № _____

Тираж 3000 экз.

Сдано в печать 24 сентябрь 2009 г.

Индекс 51390

Адрес редакции

367015, РД, г. Махачкала, пр-т М. Ярагского, 128. Тел.: (8722) 61-00-64.

По вопросам подписки и доставки обращаться по телефонам: по Республике Дагестан – 8-988-699-28-24 по г. Махачкале – (8722) 914-222.

E-mail: info@assalamlak.ru; www.assalam.ru